

Пословицы и поговорки.

Мисалар ва мисќалар.



Ватандикай ва халкъдикай мисалар.

Ватан авачирдаз девлетди теам гудач.
Ватандиз вафалу хъухъ: ам кьейилани
герек я.

Ватандивай хъайиди чандивай жеда.
Ватандин къадир гъурбатда чир жеда.
Ватандин риклелай къагъриман рухваяр
алатдач.

Халкъдиз яб тагай пачагъ фад тахтунай
аватда.

Халкъ кланиди халкъдин арада жеда.
Халкъ хвейиди халкъдини хуьда.

Инсандикай мисалар.

Инсан акьулдалди къуватлу я.

Инсан рекъе-хуьле чир жеда.

Инсан хъун регъят , инсан яз амукъун
четин.

Инсан яз атана, инсан яз хъфена кланда.

Инсан галачир туруни затни атлудач.

Инсанди чилел вичин тивар тада.

Инсандилай багъа зат авач.

Инсанди айиб вичел гьида.
Инсандин члуру твар акъатдалди вил
акъатун хъсан я.
Инсанриз акьул, къушариз лувар цавуз
фин патал ганва.

Дуствиликай мисалар.

Виш манатдила са дуст хъсан я.
Гьар хуьре са дуст яхъ.
Дуст авачирди вичин душман я.
Дуст кьун регьят я, ам хуьн-четин.
Дуст, клеве гьатайла, чир жеда.
Дуст чинал, душман кьулухъай рахада.
Дустар галай суфрадал чуьнгуьр жеда.
Дустар гур хьуй, душманар-кур.
Дустарин синихардай кас дустар авачиз
амукьда.
Дустуниз садрани тапарармир.

Зегьметдикай мисалар.

Зегьмет акьалт тавуна, са карни арадал
къведач.